

Abdrucke der Zer=
warungs Schrifft / der Chur vnd
Fürsten / Auch Grauen / Herren / Stedte
vnd Stende / der Augspurgischen Con=
fession Ahnungsverwandten / Irer
ihigen hoch genottrangten vnd
verursachten Kriegsru=
fung halben /

An Ray: May:

ausgangen / vnd be=
schehen.



ANNO M. D. XLVI.

Vorrhebe.

Werwol etliche Chur vnd Fürsten /
auch der andern Stende gesandten /
vnd verordente Kriegsrathe Kayser.
May. nachvolgenden Verwarungs
brieff/ durch einen Edlen Knaben vnd
Drommeter gegen Landshut ins Leger / wie ge
bürlich zugeschickt/ So hat doch ire Maiestat den
selben/widder den hergebrachten löblichen Deud
schen Kriegsgebrauch/nicht allein nicht annemē /
Sondern den abgefertigten/solchen brieff/wide
rumb zustellen / vnd sie bey Zenccken bedrawen las
sen/Denselben an ire Gnedigst/ Gnedig Herren/vñ
die andern widerumb zubringen. Mit der verwar
rung/ da hinfort von hoch/vñ wolgemelten Chur
fürsten/Fürsten/ Grauen/ Stedten/ vnd Stenden
der Augspurgischē Confession verwandt/jmands/
wes Stands/oder wesens der sein/sich zu irer Ma.
verschicken lassen würde / Das denselben für ein
Betten/ein strick gegeben/vnd an einen Baum ges
henckt werden solten. Es ist auch bemelten abge
fertigte/bey obgemelter bedrawung des hencckens/
ein offener gedruckter brieff zugestellt vnd befoh
len worden/ denselben an die Churfürsten/Fürste/
vnd andere ire Mituerwandte in jr Feldlager zu
bringen / Aus welchem so viel vermerckt / Das ir
Mai. den Churfürsten zu Sachsen etc. vnd Land
grauen zu Hessen etc. sampt derselben Mitverwan
ten/on alle erfindeliche vrsachen/vnd vorgehn re
chelich erkenntnis/in des heiligen Reichs Acht vnd
Oberacht wil erklären vnd erkandt haben. Dieweil
aber



aber in nachvolgender Verwarungs schriftt flees-
lich ausgeführt wirdet/ das ire May. durch jr vn-
billich fürnemen/ so darinnen ausgedruckt/ jr Kei-
serlich ampt höchlichen misbrauchet/ vnd sich das
von selbst entsetzet/ Vnd im fall / da gleich solchs
nicht were/ wie doch aus Christlichen / ehrlichen /
vnd rechtmessigen vrsachen / anders nicht kan ge-
sagt werden / So künde doch irer May. als einem
Römischen Kayser/ solche vngedürliche/ vntreff-
tike/ vnd vnrechtmessige erklerung / der Acht vnd
Oberacht/ wider bemelte Churfürsten/ vn Fürsten/
der gestalt/ one ordentlichen vnd rechtlichen Pro-
cess/ nicht gebüren/ Sonder hat dis falls / wider
seiner Mai. gehabt Keyserliche ampt/ vnd gethas-
sen Eyd/ gelübde/ vnd zusage/ weiter öffentlich ge-
than vnd gehandelt/ wie solchs nachvolgender Ar-
tikel/ zu end der Verwarungs schriftt/ bemelts irer
May. Eydes / so sie in irer Römischen Königl-
chen wal/ vnter andern gethan/ von wort zu wor-
ten klerlich ausweiset / wie ire Chur vnd Fürstlich
gnaden/ weiter notdürfftiglich an tag geben wer-
den/ Daraus meniglich zuuerstehn/ das solche
Acht nichtig / vntrefftig / vnd vnrechtmessig ist /
Dafür sie auch ein jetzlicher ehrliebender / sonder
zweifel halten/ vnd sich dieselben zu nichten bewee-
gen lassen wirdet.

**Folget nun die Verwarungs
schriftt.**

A 4 Abdruck

Abtruck der verwarungs schrift/der
Churond Fürsten/ auch Grauen/ Herren/
Stedte vnd Stende der Augspurgischen Con-
fession Aynnungsverwandten/ irer itzigen
hochgenottrangten vnd verorsach-
ten Kriegsrüstung halben/ an
Kay. May. ausgangen/
vnd beschehen.:

DEm aller Durchleuchtigsten Gros-
mechtigsten Fürsten vñ Herren/
Herren Carolen/ Römischer Kay-
ser etc. Fügen wir Churfürst/ Für-
sten/ Grauen/ Herrn/ Stedt vnd
Stende der Augspurgischen Christlichen Con-
fession Aynnungsverwandte/ zu wissen/ Nach-
deme wir der Churfürst zu Sachsen etc. vnd
Landgraff zu Hessen etc. Ewer Maiestat vn-
langst/ am Datum Icktershausen/ Sontags
nach Visitationis Marie erschienen/ derselben
Kriegsrüstung vnd gewerbe halben/ bey einem
vnser des Churfürsten Edelen Knaben geschrie-
ben/ vnd darinnen vnser beider vnschulde/ von
wegen des angezogenen/ vermeindten vngehor-
sams/ darumb Ewer Maiestat vns/ vnd gemei-
ne vnser Christliche Confession vñ Aynnungs-
verwandten Stende/ zu straffen fürhabens/ in
demut dargethon/ vnd fürgewandt. Vnd
wiewol Ewer Maiestat darauff mit irer fürge-
nomenen

nomene Kriegsrüstung billich weiter nicht fur-
fahren/ Sonder dieselbige gentzlich abgestellt/
oder je vns zum wenigsten/deren austruckenli-
che vrsachen angezeigt/ vnser angebotene ent-
schuldigung darauff gehört/ vnd wie sich dem
Rechten / des Reichs Ordnung vnd herkom-
men/ auch Ewer Maiestat sonderlichen gesch-
wornen Obligation nach / gebüret / gehalten
solt haben/ So ist doch Ewer Maiestat mit be-
rürter irer Rüstung/ vnd gewerben/ von tage zu
tage/ wider vns vnd vnser Christliche Religi-
on verwandten / fortgefahren / wie auch noch.
Also seind wir zu vnser Göttlichen / Natürlich-
en/ vñ nach gestalt disfalls/ in allen Rechten zu
gelassenen / Defension/ durch Ewer Maiestat
höchlich genottrangt/ vnd verurrsacht worden/
vns auch in Anzug begeben / vns durch Gött-
liche gnedige hülff/ vnd verleihung/ vor Ewer
Maiestat vnbilllichem gewalt/ auch vnchristli-
chem / vnd vnkaiserischem / thetlichen fürne-
men/ zuschützen vnd zuretten / Dañ das Ewer
Maiestat gemüth sey/ das Göttlich wort/ vnd
die Lere / die sie Lutherisch nennen / zuuertil-
gen/ Auch des Reichs Libertet vnd freiheit zu-
uerdrucken/ Solches ist aus vielen verlauffe-
nen handlungen / auff gehaltenen Reichste-
gen / vnd sunst / auch sonderlich aus itzigen
Ewer May. gewaltsamen fürhaben/ gnugsam
vnd klerlich zubefinden/ Dann es wissen sich
Ewer May. selbst zuerinnern/ was sie nun etkli-

ehelar hero / mit dem Antichrist zu Rom dem
Pabst / auch vielen auswertigen Königen vnd
Potentaten / derwegen practiciren vnd hand-
len lassen / der meinung / sie auff berürten fall /
in ire hülff zuuermögen / vnd wider vns zube-
wegen / oder eins teils vns abzustricken. Zu de-
me / haben ewer Mai. wie meniglich wissend
ist / einen anstand mit dem Türcken / vber die
treffenliche hülff / so ewer Mai. vom Reich / ge-
gen irer zusage / das sie eigener person / wider
gemelten Türcken ziehen wollen / wann die Ex-
pedition wider Franckreich vollendet / bewil-
ligt / vnd geleistet worden / one vorwissen der
Stende des Reichs / sonder zweinel darumb an-
genommen / ir furhaben gegen vns / vnd vnser
Mitverwandte desto vnuerhinderlicher zuno-
strecken / Welchem aber Ewer Mai. auff itzi-
gem Reichstage zu Regenspurg einen anderen
schein machen wollen / vnd furgegeben / wie ve-
terlich vnd gnedig Ewer Mai. die sachen / mit
dem Reich Deudscher Nation / als dem Vater-
land meineten / Da doch / wie sich nu mehr klar
vnd offentlich befunden / Ewer Mai. gemüth /
alleine dahin gericht gewest / vns die Religion
verwandten / dadurch zutrennen / Mit furwen-
dunge beschwerlichs vngehorsams etlicher Für-
sten / Wellichs aber Ewer Mai. in keinen we-
ge / mit grunde darthun mögen / Auch ir nicht
so viel vertrauet haben / das sie solche vngehor-
same Fürsten erfordert / vnd fur Ewer Mai.
vnd

vñ die Stende des Reichs zuuerhör / furgestellt.

Vnd das noch mehr ist / dieselben Fürsten nicht öffentlich genennet / vnd gleichwol zu etlichen Churfürsten / Fürsten vnd Stedten geschickt / vnd listiglich furgegeben / Ewer May. neme diese ire Rüstung nicht fur / der Religion halben / sonder etliche vngheorsame zustraffen.

Das aber Ewer May. gemüt ist / diese Religion zuuertilgen vnd zuuerdrucken / Erscheinet weiter daraus / das Ewer May. bey gemeltem Babst / ein parhteisch Concilium / darinnen niemands andern Session vnd stimmen zuschreiben zugelassen / dann allein den jenigen / die ihm / dem Babst gelobt / vnd geschworen sein / gen Trient gefordert haben / wie dan auch war ist / als doselbst etliche / des Babsts misbreuch angreifen wollen / Das dieselben von solchem Concilio abgefördert / vñ andere noch verdecktiger / dahin geschickt worden sein.

Was die auch in irer ersten / andern / dritten vnd vierdten Session / zuwider der warheit erkennen haben / sollichs ist nun mehr offenbar. So kan meniglich wol verstehn vnd abnemen / das dis nicht das Concilium ist / welliches ewer Mayestat auff vielen Reichstegen vertröset / vnd zugesagt hat / das da ein frey General vnd Christlich Concilium sein / vnd inn Deutscher Nation angesetzt / vnd gehalten werden sollte / Wie dann wir / vnd unsere Religions

Religions verwandte Stende Ewer May. zu
Wormbs/auff nechstem Reichstag haben an-
zeigen lassen/ Darauff wir vns auch hiemit re-
ferirt haben/ vnd es mit Göttlicher verleihung
inn Kurtz noch ferner an tag geben wollen.

Vnd das es gewis sey/ das Ewer May.
vns zu einem solchen parteischen Concilio drin-
gen/vñ diese vnser ware Christliche Religion/
welliche der Babst Ketzerey nennet/ dempffen
wollen. Solchs ist aus dem Brieffe/den er/der
Babst/an die dreizehen ort der Aidgenosschafft
newlicher weil geschrieben/zusehen/Dann das
rinnen vermeldet vnd erkleret/ Das etliche vn-
ter den Deudschen/sonderlich von denen/so
sich Fürsten thun nennen/den hohen trefflich-
en/Ja mehr Göttlichen/dan menschlichen ge-
walt/ des heiligen General Concilij/aus son-
derlichem stoltz vnd vbermut/zuerachten sich
vnterstanden/ Dasselbige auch auffs höchst
vnd hefftigst/mit schand vnd schmach schrift-
ten/angegriffen/gelestert vñ geschendet/Wöl-
len auch auff solchs Concilij schlus/nichts ges-
ben/noch demselben volgen/vnd gehorsamen.
Derhalben so sey er vnuermeidlich gedrungen
vnd verursacht worden/die sache mit dem Sch-
werd/vñ der Faust/furzunemē/dieweil er das
verdammus vnd den vntergang aller Seelen/so
mit dem gift dieser Ketzereyen angezünd wer-
den/von wegen seines Seelsorger Ampts/vnd
der Eeterlichen liebe/nicht weiter kündte dul-
den

den noch leiden.' In deme/wolte es auch sei-
ner Beshlichen hochheit/ vnd Reputation/ ni-
cht zustehn noch gebüren / Mit der fernern an-
zeige.

Nach deme Erwer May. als des Babsts
liebster Sone/ wie er ewer May. thut nennen /
bey sich beschlossen / die verbrechung / so an
dem heiligen Christlichen glauben/ vnd einig-
keit desselben beschehen / mit gewapneter hand
vnd Kriegsrüstung zu straffen/ So hette er sich
solcher bequemißkeit / willig vnd gern anhen-
sig gemacht/ des entlichen gemüts/ bey Erwer
Maieestet furhaben / alles/ sein vnd der Röm-
schen Kirchen Macht vnd vermügen zuzusetzen
etc. Wie solchs vnd anders in gemelter Besh-
lichen schrift weiter zubefinden.

Weil dann gedachter Babst / den Rath
vnd Anschlag / so Erwer May. so lang mit dem
vnghehorsam / hat verblümen wöllen/ frey vnd
vnuerholen ausdrückt / So ist leichtlich vnd
wol zuuerstehn / vnd gar nicht zu zweiffeln /
Das nichts anders / vnter dem vermeinten
schein desselben / der doch auff vns/ wie vorbe-
rürt / nicht erweist / noch dargethan werden
kan/ daß die vertilgung vnser bekandten Christo-
lichen Religion / gemeint.

Dann/wir wissen/Gott lob/ keine sache
auff erdreich / die ewer May. vns furwerffen
möchte/da wir nit vor gantzer Deudscher Nati-
on/rede vnd beschuldigung leiden/ vn vns des

B

gnugsam

gnugsam zuentschuldigen / vnd zuorantworten wissen.

Es hette aber E. May. gebüret / vns / wie ander Kayser hiebenor / gegen geringern gehon / zuerhöre / vnd öffentlicher antwort kommen zulassen / Wie das in den Reichs Ordnungen / Büdin Bullen / vnd in Ewerim Kayserlichen Ayd fürsehen ist / vnd nit also gefehrlich mit vns zuhandeln / vns auff einen Reichstag zuerfordern / da wir durch vnser Botschafft ten erschienen sein / vns die Proposition fürzuhalten / vnfers Raths zubegeren / den von vns anzuhören / vnd mitler weil Kriegsvolck zuersamen / des willens / wie sie durch ire Kette / den Granuellam / Naues / vnd andere / etlichen Churfürsten / Fürsten / vnd Stedten haben sagen lassen / vnser etliche zustraffen etc. Der gleichen nie kein Kayser inn viel hundert jaren mehr geübt / Sonderlich da wir von E. May. dem Türcken fürgesetzt / auch vor ime / als die wir erger / dann er geachtet / vberzogen / vnd vergewaltiget sollen werden / Wellichem Ewer May. vnkayserlichem / vnd vnehrstlichem fürnemen / der allmechtige Gott / vnfers verhofens nicht verhängen wirdet.

Dann ob etwan misuerstand zwischen E. May. auch der Königlichen Mai. vnd vnser etlichen gewesen / So ist doch derselbige zu Cadaw / Wien / Regenspurg / vñ Speir / gentzlich vnd entlich vertragen / vnd verziegen. Vnd wissen

sen furwar / das E. May. daruber / kein andere
ursach / dann vnser Religion zuuerdrucken / vñ
Dentsche Nation / in iren Spanischen / Dnr-
gundischen / vñ Osterreichischen gewalt zubrin-
gen / gegen vns haben / Es mache gleich Ewer
May. den sachen / einen schein vnd deckel / wie
sie immer können / odder mögen.

Dieweil dann Gott / vnd die Glaubens-
sachen / allen pslichten vorgehn / vnd man Gott
mehr / dann einiche weltliche Oberkeit / odder
menschen / ansehen mus. Vnd E. May. vnd
der Babst des willens sein / vnser Christliche /
Augspurgische Confession / vnd also die reine
Eere Götlichs Worts / vnd des heiligen Euan-
gelij / im schein / als were es Ketzerey / zuuerdru-
cken vnd auszurotten / Vngeachtet / das Ewer
Ma. fergeben / Sollichs auch vielen Churfür-
sten / Fürsten vñ stenden des Reichs einzubildē /
sich bevelssigen / als ob sie nichts anders / noch
liebbers sehen wolten / dann das das heilige E-
uangelium / vnd wort Gottes stat finden / vnd
gehalten werden möchte / Da doch aus Ewer
Majestat. bestetigten / vnd Confirmierten vn-
christlichen Lönischen Artickeln / auch da-
rauff furgenommener Execution / vnd verfol-
gung der armen Christen / inn iren Erbnider-
landen / vnd das sich Ewer Majestat mit
dem Antichrist zu Rom / dem Babst / die-
ser Kriegsbehandlung vnd empörung halben /

W ij widder

wider vns vnd das Reich Dentscher Nation /
vereiniget / verglichen / vnd verbunden / klerlich
vnd offentlich erscheinet / wie dann solchs auch
von meniglich darfur leichtlich zuachten / vnd
zuersteh'n ist / was für ein Euangelium vnd
Gottes Wort ewer May. meinen / Nemlich /
das gantze Babsthum / mit aller seiner Abgöt-
terey / irthumb vnd verführung / deren E. May.
verwand't vnd anhengig ist / wider die reine Le-
re des heiligen Euangelij / vñ vnserer ware Chris-
tliche Religion vnd Augspurgische Bekandt-
nus / inn vorigen stand vnd wesen zubringen /
vnd zuerhalten.

Vnd wir dann / auff solcher reinen Lere
des Euangelij / vnd vnserer waren Christlichen
Religion vnd Augsburgischen Confession / vñ
was dero anhangt / vnd daraus fließet. Auch
ob ein sache in einem schein furgenommen / da die
andern erkennen / das vnserer Christliche Reli-
gion damit gemeint würde / beyeinander zublei-
ben verbunden. Vnd wir befinden / das E.
May. vnd der Babst / diese Religion vnd vns
verdrücken vnd dempffen wollen. So sein wir
nicht vnbillich zu dieser Göttlichen vnd Natur-
liche gegenwehr / verursacht vnd gedrungen
worden.

Wiewol nun on notwere / das wir vns ge-
gen E. Ma. vnserer pflicht halben / die wir Ir /
vnd dem heiligen Römischen Reich gethan /
weiter sonderlich verwareten / Nach deme E.
May

May. vnser Feind / vnd Widerwertiger worden
ist / zu wider / obgemelten Fridstenden / Reichs=
abschieden vnd Vertregen / Auch E. May. ge=
schwornen Obligation / Vnd sich dermassen
durch solch ir gewaltsam vnd vnkayserlich für=
nehmen / der Wirde vnd Docheit / welche sie
von den Churfürsten / vnd dem Reiche ordent=
lich empfangen / selbst entsetzen vnd verlästig
machen / dardurch dann wir berürter pflichte /
zu angezeigter vnser Göttlichen / vnd Natürli=
chen Defension / schutz / vñ Rettung / frey wor=
den seind. So thun wir doch dieselbe vnser
pflicht E. May. vmb mehrer sicherheit willen /
hiemit Aufschreiben / vnd lostündigen. Doch
dem heiligen Reiche in allwege / nicht allein vn=
nachtheilig / Sondern auch zuerhaltung dessel=
ben wolhergebrachten Liberteten / vnd Frey=
heiten / Dann sich solche E. May. selbst ent=
setzung / hieaus / vnd aus irer May. gewalt=
barn vnd vnkayserlichen handlungẽ vnd furne=
men / klar vnd vnwidersprechlich befindet.

Wollen vns demnach / samptlich vnd son=
derlich / fur Vns vñ vnserer Helffere / vnd Helf=
fers helffere / Auch von wes wegen wir vns
sonst weiter zunerwaren schuldig / Inn der bes=
sten form vnd mas / zu obgemelter vnserer ge=
genwehr / hiemit gegen E. May. vnd wer ders=
selben von den iren / oder andern / wer die seind /
niemand ausgeschlossen / mit Rath / that / vnd
hülffe / wider vns anhengig / vnd verwandt
B ij seind //

seind / verwart / Vnd derselben die Lehen vnd
Pflicht / auffgeschriben haben / Gegen Ewer
May. vnd inen / wie viel gemelter Göttlichen ge-
genwehr / vñ schützes notdurfft erfordern wil /
zuhandeln / Dann vmb Gottes vnd seins heil-
igen Worts / Ehre / vnd Glori / vnd vmb des
Heiligen Reichs Deutscher Nation / vnser
Vaterlands Wolfart / Freiheit vnd Libertet
willen / Erkennen wir vns / all vnser vermögen /
auch Gut / vnd Blut / nach dem willen / vnd
wolgefallen des Allmechtigen / aufzusetzen
schuldig / Vnd habens Ewer Maiestat nicht
vnangezeigt lassen wollen. Zu vrkund /
haben wir etliche von obgedachten Chur / vnd
Fürsten / auch den verordneten Gesandten / vñ
Kriegsrathen / vnser Secret / vnd Petschafft zu
ende dieses Brieffs auffdrücken lassen. Da-
tum inn vnserm Feldlager / bey Petmes / Mit-
woch / den eilfften Augustj / Anno Dominj /
im Funffzehnhundert vnd sechs vnd vierzig-
sten jar.

Nun volget hernach der Artikel
aus des Kayfers Obligation.

**Folget der Arti-
ckel aus des Kayfers gesch-
wornen Obligation vnd
verpflichtung.**



Wir sollen vnd wollen
auch furkommen / vnd keins
wegs gestatten / Das nun
hinfort jemandes / Hohes /
odder Aiders Standes /
Churfürst / Fürst / odder ander / one vrs-
sach / auch vnuerhört / inn die Acht / Ober-
acht gerhan / bracht / odder erklet wer-
de / Sonder inn solchen ordentlichen
Process / vnd des Heiligen
Römischen Reichs / vor
auffgerichtten sagun-
gen / inn dem ge-
halten vnd
volnzogen werden.



1770

James M. Smith
1770

1770

1770

1770

1770

1770

1770

1770

1770

1770

1770

1770

1770

1770

1770

1770

1770


1770

1770

1770

1770

1770



29. *British*